



Sarajevo, 14.10.2022

Otvoreni postupak za dostavljanje ponuda za konsultantske usluge iz oblasti Socijalnih politika i inkluzija marginaliziranih grupa, br. 01-X/2022

Predmet	Radni paket bit će usmjeren na konsultantske usluge u sklopu projekta Ozon.
Ugovarač	Udruženje "Institut za razvoj i evropske integracije"
U okviru projekta	Ozon
Lokacija isporuke	Zmaja od Bosne br. 68, Sarajevo
Kontakt osoba	Amila Jerković
Kontakt informacije	nabavke@irei.ba
Datum objave zahtjeva za ponudu	14.10.2022
Trajanje poziva za dostavljanje ponuda	7 dana
Krajnji rok za dostavu ponuda	21.10.2022. do 23:59h

Kontekst:

Institut za razvoj i evropske integracije (IREI) su osnovali stručnjaci sa iskustvom rada u svim segmentima vlasti u Bosni i Hercegovini. Naš model rada je fokusiran na prepoznavanju realnih kapaciteta institucija i na postavljanju problema građana u primarni fokus rada vlasti i javnosti. Bosna i Hercegovina je zemlja koja se nalazi u post-konfliktnoj i ekonomskoj tranziciji, te joj nedostaje jak pokretač ekonomskog i socijalnog razvitka koji može nadići trajne probleme socijalno-političkih nesuglasica i voditi zemlju naprijed. Naš cilj je da razvijamo i podržavamo rad lokalnih, regionalnih, entitetskih i državnih institucija kroz specifičan, empirijski zasnovan na provjerenom modelu rada. Mi želimo poboljšati sve aspekte javnih politika koje su fokusirane na podizanje nivoa životnog standarda, unapređenja prava građana, ali i povećanje odgovornosti vlada kao primarnog interesa građana.

Većina programa upravljanja u Bosni i Hercegovini ne nude jasna i cjelovita rješenja za mnogobrojne potrebe građana, te projekat Ozon – Otvorene i odgovorne općine ima za cilj da minimalizira uočene nedostatke. Njegovo provođenje treba da generira i podržava političku volju

za više građanski-orijentirane javne politike na nivou lokalnih samouprava. Projekat se implementira u periodu od 2021. do 2023. godine, a fokus rada je upravo na općinskom nivou, jer osim toga što je najbliži građanima, osigurava i mnogobrojne materijalne usluge, koje građani koriste i ima najviše potencijala da utječe na kvalitet života. S obzirom na to da ovaj nivo lokalne samouprave ima određeni nivo autonomije, snagu donosilaca odluka i resurse, generalno je znatno efikasniji u odnosu na više instance vlasti i može brže odgovoriti na potrebe građana.

Projekat se realizira u šest odabranih jedinica lokalne samouprave, a ključne aktivnosti su priprema analitičkog izvještaja na osnovu stručne analize i procjene stanja unutar sljedećih oblasti: komunikacije i participacije, budžeta, borbe protiv korupcije, rodne ravnopravnosti, zaštite okoliša i održivog razvoja, socijalnih politika i inkluzije marginalnih grupa. Potom se na osnovu izvršene procjene i urađene analize priprema Nova Programska Politika (NPP) koju usvajaju načelnici/gradonačelnici. Finalna komponenta je uspostava ili jačanje komunikacijskih platformi kako bi građani lakše priopćili svoje probleme nadležnima, te na njih dobili blagovremene odgovore. Prilikom izvještavanja jedinice lokalne samouprave će pružati informacije o napretku realizacije Nove programske politike prema ustanovljenim ciljevima.

Predmet poziva i opis zadatka:

Konsultant će partnerskim općinama i gradovima pružiti podršku pri implementaciji Nove programske politike (NPP) **iz oblasti socijalnih politika**. Podrška se ogleda u davanju savjeta za bolju implementaciju predloženih mjera, slanju primjera dobre prakse, komentaranju nacrtu dokumenata i politika te općem informisanju o dosadašnjem napretku realizacije NPP-a.

Nova programska politika za partnerske jedinice lokalne samouprave dostupna na slijedećem linku: <https://irei.ba/npp/>

S obzirom na to da provedba projekta Ozon ulazi u završnu fazu u toku angažmana je potrebno animirati implementaciju NPP-a. Iako je dosadašnji fokus rada bio na kratkoročnim i srednjoročnim mjerama, u ovoj fazi je potrebno ustanoviti koje su aktivnosti JLS odlučile poduzimati s dugoročnim mjerama ili razloge zašto nisu u mogućnosti da ih realizuju. Prilikom izlaska na teren i razgovora s timovima za implementaciju, posebnu pažnju će obratiti na potencijalno budžetiranje mjera u Nacrtu budžeta za 2023. godinu i lobirati za uvrštavanje mjera u narednu budžetsku godinu.

U toku angažmana će pravovremeno i jasno komunicirati s IREI osobljem koje će mu biti na raspolaganju za pomoć pri pružanju podrške implementacionim timovima partnerskih općina i gradova. Prema uputi IREI tima pravovremeno će slati izvještaje o provedenim aktivnostima pri pružanju podrške.

Uloga konsultanta:

- Učešće na orijentacionom sastanku i konsultacijama o nastavku projekta – Ozon 2.0
- Priprema kratkog opisa za 3 – 5 mjera iz tematske oblasti u dužini od 1 pasusa za Ozon 2.0, a na osnovu upute od Ozon tima
- Provodi pripremu za terenski rad u vidu čitanja analize tematskog dijela izvještaja Procjena i analiza stanja iz 2021. godine i ostalih relevantnih dokumenta, te Izvještaja o napretku provedbe NPP-a za određenu oblast, nakon čega dostavlja spisak dodatne dokumentacije potrebne za analizu stanja, a prije terenske posjete (slijedeća tačka)
- Posjeta jedinicama lokalne samouprave, ažuriranje Izvještaja o napretku provedbe NPP-a i vođenje intervju sa odgovornim službenicima
- Priprema analizu u vidu presjeka stanja u dužini od 3-5 stranica, a u odnosu na zatečeno stanje utvrđeno izlaskom na teren i polazni dokument Procjena i analiza stanja
- Pruža podršku za uspješno provođenje mjera (savjetovanje, komentarisanje dokumentacije, slanje primjera dobre prakse i dr.)
- Inicira kontakt s osobama odgovornim za provedbu predloženih mjera, korištenjem dostupnih mehanizama i platformi za komuniciranje, a po potrebi je dostupan za online savjetovanje ili telefonske konsultacije
- Vodi evidenciju o provedenim aktivnostima
- Dostavlja izvještaj o provedenim aktivnostima
- Priprema kratko izlaganje o naučenim lekcijama provedbe projekta Ozon za završnu konferenciju sredinom februara 2023. godine

Trajanje i vremenski okvir

Zadatak bi otprilike trebao zahtijevati 12 radnih dana, koji bi uključivali:

- Rad u trajanju od 12 dana s slijedećim jedinicama lokalne samouprave: Grad Bihać, Općina Novo Sarajevo, Općina Centar Sarajevo i Opština Modriča
- Terenske posjete u novembru 2022. godine,
- Dostupnost općinama/opštinama/gradovima glede provedbe preporuka i politika u periodu Novembar 2021. - Februar 2022. godine (koordiniran od strane IREI osoblja).

Kvalifikacije

Pozvani su da se prijave neovisni, nacionalni konsultanti, konsultantske kuće, s relevantnim iskustvom u tematskoj oblasti socijalnih politika i inkluzije marginalizovanih grupa.

Osnovne kvalifikacije

Stručnjaci iz oblasti javnih i lokalnih politika iz oblasti socijalnih politika i inkluzije marginalizovanih grupa, sa dokazanim iskustvom rada na sličnim zadacima/poslovima su pozvani da apliciraju.

- Predočeni rezultati iz oblasti rada u polju javnih politika

-
- Iskustvo pružanja podrške pri implementaciji politika
 - Demonstrirano iskustvo u kontekstu poznavanja društveno-političkih dešavanja u Bosni i Hercegovini s posebnim fokusom na lokalnu samoupravu;
 - Izvrsne analitičke vještine;
 - Poznavanje bosanskog, hrvatskog ili srpskog jezika.

Dodatne kvalifikacije

- Iskustvo rada na sličnim poslovima će se smatrati za prednost

Proces prijave

Ako ste zainteresovani da se prijavite za poziciju konsultanta za oblast socijalne politike i inkluzija marginalizovanih grupa i ispunjavate gore navedene kriterije, svoju prijavu možete da pošaljete e-poštom na nabavke@irei.ba najkasnije do 21. oktobra 2022. godine.

Vaša prijava treba sadržavati sljedeće elemente:

1. Biografiju;
2. Portofolio relevantan za zadatke koji su istaknuti u pozivu (primjerak radova u vidu prijedlog politika iz tematske oblasti, analize, stručni radovi, relevantnih angažmana i sl.)

Ponuđači su obavezni da pripreme ponude u skladu sa uslovima poziva. Ponude koje nisu u skladu sa uslovima, bit će odbačene kao neprihvatljive.

Finansijska ponuda:

Ukupna cijena ponude se piše brojevima i slovima, a izražava u konvertibilnim markama (BAM). U slučaju neslaganja ukupnih iznosa upisanih bročano i slovima, prednost se daje iznosu upisanom slovima.

Ponuđači snose sve troškove nastale u toku pripreme i dostavljanja ponude. Ugovarač ne snosi nikakve troškove u postupku poziva.

Ponuda mora sadržavati datum i potpis (elektronski) ponuđača sa kontakt informacijama. Ukoliko sadrži više od jedne stranice, potrebno je da sve stranice ponude budu numerisane, na način da je vidljiv redni broj stranice.

Finansijska ponuda ne uključuje snošenje putnih troškova.

U roku za podnošenje ponuda, ponuđač može da izmijeni, dopuni ili povuče ponudu. Ponuđač podnosi izmjenu, dopunu ili povlačenje ponude sa naznakom jedne od opcija: „Izmjena/dopuna/povlačenje ponude br. 01-X/2022“.

Period važenja ponude:

Ponude moraju da važe 7 dana, računajući od dana zatvaranja poziva za ponude.

Rok za donošenje odluke o izboru ponuđača:

Ugovarač će donijeti odluku o izboru eksperta/ice (jednog/e ili tima) u roku od 7 radnih dana od roka za podnošenje ponuda. Ugovarač će izabrane osobe obavijestiti o prihvatanju ponude najkasnije u roku od 8 dana od dana zatvaranja poziva. U istom periodu bit će obaviješteni i svi ostali ponuđači u postupku nabavke, čija ponuda nije prihvaćena.

Načini i uslovi plaćanja izabranom ponuđaču:

Avansno plaćanje nije predviđeno ovim pozivom. Plaćanje će se izvršiti u roku od 10 dana od odobrenja traženog sadržaja.

Kriterij za odabir najbolje ponude:

Ugovarač će donijeti odluku o najuspješnijoj ponudi na osnovu sljedećih kriterija:

- Pokazanog iskustva (60 bodova)
- Cijene ponuđene usluge (40 bodova)

Način dostavljanja ponude:

Ponude se dostavljaju na e-mail adresu nabavke@irei.ba sa naznakom u PREDMET/SUBJECT-u:

Ponuda po otvorenom postupku za dostavljanje ponuda br. 01-X/2022

U tijelu e-maila se navode nazivi svih dostavljenih dokumenata, a dokumenti se imenuju kao što su nabrojani u sekciji „Proces prijave“.

Svi dokumenti trebaju biti dostavljeni u PDF formatu.

Krajnji rok za dostavljanje ponuda je 21.10.2022. do 23:59h